

## **PREPORUKE I OPERATIVNI ZAKLJUČCI EU**

### **Treći sastanak pododbora u okviru SSP-a između EU i Bosne i Hercegovine (BiH)**

#### **o ekonomskim i finansijskim pitanjima i statistici**

**Mostar, 15. i 16. novembar 2018. godine**

### **1. EKONOMSKA I FINANSIJSKA PITANJA**

1. Komisija se zahvalila na blagovremenom dostavljanju materijala za diskusiju prije sastanka, ali je istakla da informacije u cijelom dokumentu mogu biti prezentirane na efikasniji i koncizniji način.
2. BiH se poziva da odgovori na pisma komesara Hahna o reformi za povezivanje i regionalnoj ekonomskoj zoni što je prije moguće, uključujući pisma od 16. jula i 19. oktobra 2018. godine.
3. Komisija ohrabruje Bosnu i Hercegovinu (BiH) da pojača strukturne reforme nakon perioda usporavanja reformi u posljednje dvije godine. Jaka, koordinirana i kontinuirana politička podrška je ključna za brzu provedbu veoma potrebnih strukturnih reformi.
4. Komisija podsjeća na značaj Ekonomskog i finansijskog dijaloga između EU i BiH za kreiranje budućih reformi u skladu s kriterijima za pristupanje EU. Komisija ohrabruje BiH da provede političke smjernice navedene u Zaključcima ekonomskog i finansijskog dijaloga između EU i Zapadnog Balkana i Turske od 25. maja 2018. godine i da podnese svoj 5. godišnji Program ekonomske reforme (za period 2019-2021) na vrijeme.
5. Imajući u vidu centralnu ulogu Programa ekonomskih reformi u socijalno-ekonomskim reformama zemlje, BiH je preuzela obavezu da unaprijedi zakonodavni okvir i osigura odgovarajuće administrativne kapacitete za kreiranje, realizaciju i praćenje strukturnih reformi i ispunjavanje zahtjeva iz Evropskog semestra. Kvalitet PER-a treba poboljšati na način da se osigura puna politička podrška i povećava vidljivost od strane BiH i EU institucija, te omogući kontrola u cijeloj zemlji i usklađenost mjera Programa ekonomskih reformi.
6. Komisija je naglasila potrebu za poboljšanjem kvaliteta javnih finansija kroz jačanje podrške za rast, poboljšano usmjeravanje socijalnih izdataka, te jačanje upravljanja dugovima. BiH treba riješiti pitanje dospjelih neplaćenih obaveza jer ovakav pristup doprinosi unutrašnjim neravnotežama u zemlji s negativnim efektima za rast.
7. BiH treba naći rješenje za nizak nivo investiranja tako što će unaprijediti poslovno okruženje (uključujući složene i duge procedure kao i veliku birokratiju) i stvoriti jedinstven ekonomski prostor.
8. Podsjećamo BiH na njenu obavezu da omogući preduzećima i državljanima država članica EU stjecanje vlasništva nad nekretninama u Bosni i Hercegovini u skladu s članom 51 i 61 SSP-a.

9. Komisija je pozvala BiH da nastavi s naporima u pravcu smanjenja poreznog opterećenja i riješi pitanje sive ekonomije.
10. Komisija je ohrabrila BiH da napravi dodatne korake ka usklađivanju obrazovanja s potrebama tržišta rada.
11. Komisija je ponovo pozvala BiH na jačanje nadzora nad bankama i usvajanje izmjena i dopuna zakona o osiguranju depozita.

## 2. UNUTRAŠNJA FINANSIJSKA KONTROLA I REVIZIJA U JAVNOM SEKTORU

12. Komisija je ohrabrila BiH da izradi sveobuhvatnu politiku unutrašnje finansijske kontrole u javnom sektoru koja bi pokrila sve nivoe vlasti u skladu s principima upravljačke odgovornosti.
13. Republika Srpska bi trebala prihvatiti strateški okvir za reformu javne uprave kako bi započeo proces izrade zajedničkog Akcijskog plana kojim bi se upotpunio ovaj strateški okvir.
14. Komisija je ohrabrila parlament i izvršnu vlast da ispoštuju preporuke VRI.

## 3. SARADNJA U PODRUČJU STATISTIKE

15. S ciljem što bolje podrške analizi politike, BiH treba poboljšati pružanje pravovremenih i iscrpnih **statističkih podataka** u skladu sa standardima EU, naročito u vezi makroekonomskih podataka kao što su nacionalni računi, statistike vladinih finansija, inflacija i tržište rada.
16. Komisija je podsjetila na važnost provedbe novog glavnog okvira uzorka i početka priprema za sljedeći popis stanovništva, te ponudila pomoć u vezi s metodologijom. Činjenica da nije izvršen poljoprivredni popis je glavna prepreka za ispunjavanje zahtjeva u pogledu statističkih podataka o poljoprivredi u formatu prihvatljivom za EU.
17. Postoji potreba za daljnjim razgraničavanjem i obradom regionalnih podataka sa nižih nivoa. Iz tog razloga, klasifikacija statističkih regija prema nivou NUTS 3 treba biti izrađena za cijelu zemlju.